



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 120. Quid tam Jure Civili quam Canonico, tam antiquo quam novo
statutum quò ad pœnas incurrendas à Raptoribus mulierum.

[urn:nbn:de:hbz:466:1-73973](#)

verentiali, citra tamen omnem dolam & fraudum adducta sit, cum tales preces se solis vim non inferant; secus tamen, si dolosis persuasionibus aut fallacibus promissionibus munerunt, vel quibuscumque fraudibus circumventa abducatur, quod in dubio praesumitur. Sanch. l. c. n. 10. § 11. Pith. n. 5. Farin. l. c. n. 131.

3. Infero secundo: Committi raptum; (etsi forte in hoc casu infligenda pena raptori ordinaria mitior) si puella sub parentum potestate constituta, etiam consentiens, ex eorum domo ipsis invitatis abducatur; cum per talen abductionem gravis fiat parentibus injuria, quam puella per suum in abductionem consensum non potest remittere. Sanch. n. 12. Farin. n. 118. Host. in sum. de raptor. n. 1. quod autem abductio fiat insciis parentibus, etsi adhuc sit raptus; quia adhuc deest eorum consensus, quod satis est, ut de injuria queri possint, non est tamen raptus propriè & strictè dictus, ordinaria pena dignus. Sanch. l. c. Farin. n. 121. Pith. l. c. Laym. L. 5. tr. 10. p. 4. c. 13. n. 2. Navar. L. 5. conf. 3. n. 1. de raptor. Pari modo si constituta sub tutorum vel curatorum (vel etiam, ut addit Pith. fratrū) custodia abducatur, raptus est, etsi minora pena puniendus. Laym. Pith. LL. cit. Sanch. n. 14.

4. Infero tertio: Committi raptum, si sola fœmina dissentiat, nolitque è domo parentum abduciri, etsi parentes consentiant; cum hi non habeant potestatem exponendi illam ad talen usum, Hurt. Pith. LL. cit. Sanch. l. c. n. 8. unde patet, duplē esse raptus speciem, ut D. Thom. 2. 2. q. 154. a. 7. nimurum, si vel vis injusta in abductione puella exerceatur vel in ipsam puellam, vel erga ejus parentes aut tutores.

Inferitur quartò: Quod si fœmina initio consentiens in sui abductionem, & postea invita & repugnans cognoscatur, non committi raptum, sed stuprum; cum in delictis juxta L. divns. ff. ad Leg. Cornel. de Sicar. initium spectetur è contra committi raptum (etsi raptor non incurrat saltem pennam ordinariam raptus; quia is non fuit consummatus, ut AA. mox citandi) si fœmina alinitio invita abducta fuit, etsi postea liberè consentiat in copulam; quia initium, in quo fuit violentias spectandum. Sanch. l. c. n. 7. Farin. l. c. q. 145. § 134. Pith. n. 4.

5. Infero quinto: Non esse raptum, si quis per vim à fœmina extorqueat copulam, non traducendo illam de uno loco ad alium, sed neque si præcisè abducatur à loco, v. g. de via publica per aliquot solum passus commodioris concubitus gratiæ, vel de una camera in aliam, sed ubi de domo in domum aliam, sive de loco in locum alium fuit traducta animo abducendi eam ulterius à loco, in quo habitat seu commoratur. Sanch. n. 20. § 21. Farin. q. 145. n. 69. Clarus §. raptus n. 1. Pith. n. 10. etsi ad locum destinatum non pervenerit.

6. In foro sexto, non esse raptum (saltem qui penas juris incurrat L. unie. c. de rapt. virgin.) si rapta fuit publica meretrix, Sanch. n. 22. Mascard. de prob. vol. 3. concil. 1253. n. 12. § 13. cum scorta non veniant honestarum fœminarum nomine. Gl. in cit. L. V. virginum. juncta Gl. margin. L. B. & meretrix non censetur vim pasti à cognoscente illam, nisi proberetur. Secus tamen est, si non tantum desit esse publica meretrix, facta alicuius concubina; sed etiam cœperit ducta pœnitentiā impuræ vita, honestè vivere, Mascard. l. c. n. 14. Item secus, saltem quod ad incurrendam pennam, si mulier, etsi inhonestæ,

effet tamen conjugata, Mascard. n. 15. De catero benedicit Pith. n. 11. cum Sanch. n. 37. porinde est in foro conscientiae, quod ad committendum raptum, sive mulier sit meretrix sive honesta, dummodo violenter ex dictis causis abducatur.

7. In foro septimo, non esse raptum (saltem secundum jus canonicum, cui standum, & quod in hoc videtur correxisse jus civile. L. unic. c. de rapt. virg. ubi in hoc casu censetur adhuc committi raptus) dum quis eam, cum qua contraxit vera sponsalia, etiam de futuro tantum, rapit de domo paterna, aut invitis parentibus. e. cum causa, de raptor. Pith. n. 7. idque sic statutum à jure canonico in favorem matrimonii, quod dūn debet esse liberum, ut cum fœmina liberè posset contrahere in domo parentum, etiam impunè à sposo volens abduci poterit invitis parentibus ad matrimonium promissum exequendum, Pith. l. c. cum Abb. in cit. c. cum causa. Contrarium tamen dicendum, si quis fœminam, cum qua contraxit vera sponsalia de futuro, invitam & reclamantem educeret è domo paterna ad consummandum cum ea matrimonium, Pith. l. c. Castrop. d. 4. p. 2. §. 2. num. 8. Azor. p. 3. L. 3. c. 14. q. 3. Idem est, dum quis fœminam, cum qua contraxit matrimonium ratum, volentem tamen, uti jure suo, quod habet ad deliberandum de ingressu in religionem spatio duorum mensium, per vim & in vitam rapiat ad consummandum cum ea matrimonium. Azor. q. 4. Pith. num. 8. Covar. in 4. decret. p. 2. c. 7. §. 4. num. 11. Item contrarium dicendum, nimurum adhuc committi raptum, si quis fœminam, cum qua quidem tractatum habuisset de matrimonio, ante tamen adhuc vera sponsalia contracta, etiam volentem abducere invitis parentibus, ait Pith. l. c. num. 7. citant Sanch. L. 7. d. 12. num. 15. Castrop. l. c. Videatur tamen etiam ad evitandum raptum sufficere, si legitimè tractatum fuerit de contrahendo matrimonio absque eo, quod sponsalia adhuc contracta, ut indicat satis Laym. cit. c. 13. num. dum ait: si tractatus de matrimonio legitimè contrahendo, vel sponsalia antecesserunt; quippe in cit. c. cum causa. Simpliciter dicitur: ubi nihil ante de nuptiis agitur: nimurum quod tunc committatur raptus, si invitis parentibus abducatur.

8. Infero denique, non committi raptum, si quis mulierem non ex causa exercendæ cum ea libidinis (quod tamen semper praesumitur, dum mulier est juvenis & apta ad libidinem). Farin. q. 145. num. 78.) aut ad contrahendum cum ea matrimonium, sed ex causa alia. Sanch. num. 17. Clarus §. raptus. num. 1. id etiam procedere videatur, si ex alia causa abductam, postea tamen per accidens cognoscatur carnaliter. Utī è contra adhuc committetur raptus, dum mulier invita abducta libidinis cum ea exercendæ, aut matrimonii contrahendi causa, etsi dein neutrum attentatum, vel quia raptor non potuit, vel etiam pœnitentiā ductus abstinuit ab utroque, quia, ut dictum, spectandum est initium & intentio.

Quæst. 120. Quid tam iure civili, quam canonico, tam antiquo, quam novo statutum, quo ad penas incurrendas à raptoribus mulierum.

R Esp. De hoc dicendum ad tit. 17. L. 5. decret. vide tantisper Pith. ad dictum tit. §. 1. § 2.

Quæst.